



03-02-2023

UKA2023/30
Hans Enoksen, Naleraq

Uunga siunnersuut: Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat.

Siullermeernera:

Matumuuna meeqqanut suli atualinngitsunut perorsaanikkut inerikkiartuutaasunik neqeroorutit pillugit saqqummiussat taannalu oqaaseqarfigissavarput.

Meeqqanut suli atualinngitsunut perorsaanermi pissutsit pitsaanerusumik ingerlanissaanik saqqummiussa Meeqqanut paarsiviit aammalu angerlarsimaffinni paarsisarnerit pilersinneqarnissaanut pitsanngorsaanissamik siunneqarfeqarnejq soorunami tamatta tapersissallugu pissutissaqarpugut.

Uani inatsisartut inatsissaanni atuutsinneqalertussat soorunami assortoruminaapput meeqqanut atualinngitsut atualernissamik tungaanut pitsaanngorsaaffigineqarnissaat anguniagaammat. Tassalu meeqqivinni aammalu angerlarsimaffinni paarsisarnerit pillugit ersarissumik inatsimmik tunngaveqalernissaat anguniagaalluni.

Saqqummiunneqartut ilagaat meeqqeriviit angerlarsimaffinnilu paarsisarfiit siulersuisoqalissasut ukiumut ilaatigut pingasoriarlugit ataatsimiitinneqartassasut. Ilanngullugun paaserusunnarpoq Meqqerivinni siulersuisut toqqarneqartut namminneq kajumissutsimik siulersuisuni sulissanersut imaaluunnit akissarsiaqartitaassanersut paaserusunnarpoq.

Tassami uani inatsimmi saqqummiunneqartumi ulluunerani meeqqanut atualerneqanngitsunut paaqqinnittarfinnut kommunalbestyrelsip neqeroorummik qulakkerinninnissani suliassaraa naam-massineqartussa.

Aammalu ilaatigut meeqqivinnut paarsiffinnut namminersortut ingerlatsisinnaanerit aamma periarfissaqassaaq kommunalbestyrelsimit isumaqatigiissuteqarfigineqarsinnaasut. Kisiannili qulakkerneqartussaalluni aqutsisussanik siulersuisunik toqqaanissaq.

Kiisalu ilanngullugu aamma Meeqqerivinni meeqqat atualersimannngitsut inissaqanngitsut taamatullu angerlarsimaffimmi paarsivinni inissaqanngitsut kommunalbestyrelsi neqerooruteqassaaq sammissassaqtitsinermut pineqartunut akiliutitaqanngitsumik.

Meeqqat inuusuttullu pillugit suliassat annertuujupput massakkullu kommunalbestyrelsi pisussaaffilerneqassaaq meeqat inuusuttullu pillugit sullissinerit malittarisassiutissallugit neriuutigarpur taamaliornikkut meeqat inuusuttullu pillugit sullissinerit ingerlalluarnernissamik angusaqarfiujumaartut.



Taamatullu meeqqat inuusuttullu pillugit inatsimmi uani saqqummiunneqartumik piumasaqaa-taavoq tamakkiisumik kommunalbestyrelsi ingerlatsinermut meeqquerivinnut aammalu anger-larsimaffinni paarsinermut immikkullu sammisaqartitsinissamut aningaasartuutitut akiliissasoq

Ukiuni makkunaniajuusaarnartumik meeqqanik sumiginnaaneq assut inuiaqatigiit iluani ilungersu-nartorujussuurtut isigissallugu pissutissaqarpugut.

Aluu immitsinnut qiviarluta tamatta piumaffigaluta oqartariaqalerpugut taamatut meerartagut paari-nerlullugit ingerlaannarsinnaanngilagut. Meeqqanik angajoqqaat paarsinerluttarnerat inuiaqatigiit tamattaalluta allannortinniarlugu suleqatigiittariaqalerpugut. Tassami massakut angajoqqaat pisussaaffiinnik annertunerujussuarmik akisussaaqataalersinneqartariaqarput pisortat kisimik akisussaaffimmik tigummiunnaarlutik.

Meeqqat pillugit pitsaasumik inuuneqarnissaasa qulakkeerneqarnissaat tamakkiisumik taperserlugu ataatsimititaliamut ingerlanneqarnissaa innersuussutigaarput.